



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm || Ianvarii Et Febrvarii

Surius, Laurentius

Coloniae Agrippinae, 1576-

VD16 S 10258

De S. Martina virgine & martyre.

[urn:nbn:de:hbz:466:1-77365](https://nbn-resolving.de/urn:nbn:de:hbz:466:1-77365)

DE S. MARTINA VIRGINE ET MARTYRE,
EX VETVSTIS MANVSCRIPTIS CODICIBVS,
quos etiam Ado Treuiren. Episcopus fecit: sed mutatus
est hic stylus per F. Lauren. Surium.

I. JANVARII.

Genus Mar
tinæ virgi
nis.

I. Pet 5.



Sistitur Ale foribus palati primæ dignitaris Christianam fœminam, quæ vtrò eius voluntati páx
xandro Imperatori. nihil recusat sacrificare dijs immortalibus, & cæteris etiam Christianis persuade
re velit, vt similiter faciant. Eo nuncio exhilaratus Alexander, iussit eam introduci,

aitque ad illam: Cùm sis animo liberali & ingenuo, accingere ad offerenda dijs sacri
ficia, & immola Apollini hostias: ea re ità me tibi deuinicies, vt maximos sis à me ho
nores consecutura. At Martina virgo: Iube me, inquit, sacrificare semper viuenti
Deo, qui ex nihilo omnia creavit: vt ità me sacrificante, pudefactus & eneuatus
Apollo, desinat posthac illudere animis hominum sperantium in Dominum & Salua
torem nostrum Iesum Christum. Alexandro autē precipiente, vt in delubrum ingre
ssa, Apollini faceret sacrificium, dixit illi: Ingredere tu, & sacerdotes Apollinis & quo
quot eius estis cultores, & corām adspicite, quām benignè sanctus & bonus Deus de
manibus meis accipiat sacrificium. Itaq; Imperator iussit omnes satellites suos, & qui
ipsi assistebant, ire in templum, & videre quas fierent à Martina. Illa verò signo Christi
se muniens, Deo se commendauit: & cùm precandi finem fecisset, terramotus vehe
mens urbem concussum, Apollinis delubrum partim euerit, simulacrum comminuit,
& cum sacerdotibus prophanis magnam populi multitudinem extinxit.

Ijs rebus commotus Imperator, cùm præ cordis cecitatem non intelligeret, virtu
Adhibetur te diuina ea omnia accidisse, sancte virginis faciem iussit alapis cedi, & vncis ferreis
tormenta, cius palpebras lacerari. Instabant nefario operi cruenti carnifices, sed inter cæ
dendum viribus destituti, clamare coeperunt: Eheu dum hanc torquemus, nos
ipsi multo acruis cruciamur. Videmus enim quatuor viros splendidos ante illam,
qui eam confirmant, & poenas, quas illi inferre nitimus, in nos potius conuertunt.
At verò ira percitus Imperator, culpansque carnifices, quod segnes manus ad tor
quendam illam adhiberet, minaci & toruo vultu in eos respiciens, mandauit vt eam
à terra leuarent, & testarum fragmentis cæderent. Tum illa sursum erectis luminibus:
Benedictus es, inquit, Domine Iesu Christe, qui gratiam tuam largiris spem suam in te
reponentibus. Exaudi me Domine te deprecantem, & praesta mihi tolerantiam, &
eos qui me excruciant, ad te benignus conuertere. Hæc illa orante, atque animo in
uietissimo in poenis perdurante, caelestis lux eos, à quibus torquebatur, circundedit:
(erant autem octo) ruentesque in facies suas, obsecrabant sanctam Martinam,
vt apud Deum veniam ipsis impetraret eorum, quæ compulsi ei irrogâsent suppli
cia.

cia. Quibus illa ait: Si conuerti velitis ad Dominum meum Iesum Christum, & credere toto corde, quod reddet vnicuique secundum opera sua, præmij in cælo repositis perfruemini. Sin verò aliter senseritis, æterna & horrenda vos tormenta excipient. Illi verò diuina iam illustrati gratia, in Christum se credere testati sunt, atque illic crudel ministerium execrantes, vna voce Alexandro dixerunt: Nos quidem his, qui dicuntur dij, reuerà autem idola sunt, deinceps non seruimus, edocet per beatam Martinam, quæ sit virtus omnipotentis Dei, & filij eius Iesu Christi. In eos autem accusatus valde Imperator, voluit eos suspendi, & carnes eorum spathis lacerari: & illi quidem dum ijs afficerentur poenit, nihil loquebantur penitus, sed oculos habebant in cælum erectos. Sed cùm diu ita excarnificati essent, gladio in eos iussit animaduerti, veritus nè alij quoquè ab ijs discerent, quæ nostræ sunt religionis. Illi nihil terri, sed Deum orantes, & Crucis signum pingentes digitis in frontibus suis, læti ictum carnificis exeperunt die 17. mensis Nouembri: sicque felicia regna, martyres Christi esse cœti, petiérunt.

Alia die rursus Martina virgo ad sacrificandū dijs ab Alexandro inuitatur, sed verbis nihil obtinentibus, redditur ad supplicia. Iratus enim Imperator, iussit eam detra. Atis priùs vestibus suspendi, & eius carnes toto corpore incidi: illa interim, dum sic affligeretur, Deum precante atque laudante. Inde in quatuor palos distenditur, & à duobus centurionibus fustibus verberatur. Cumque in confessione Christi perseveraret, mutati sunt per vices, qui eam cœderent, septem centuriones. Illa diuinatus roborata, poenas irrisit, centurionibus Imperatorem obsecrantibus, vt ab inferendis martyri supplicijs liceret ipsi desistere, propterè quod se grauiter torque-ri, & concremari, viribusque destituti sentirent. At Imperator magis magisque flagellari eam voluit. Aderat huic spectaculo vir quidam prædives Eumenius nomine, qui Imperatori persuasit, vt Christi martyrem præcipere in carcere retrudi, illicque adipe & pinguedine feruenter perungi. Ibat illa in carcere gaudens & glorificans Deum, oransque feruenter, & totam noctem hymnis & laudibus Dei transfigens: sunt verò etiam auditæ voces cum ea pariter Deum laudantium virorum. Altera luce producitur è carcere, sistitur rursus Alexandro, iubetur se conferre ad templum Diana, & offerre illi sacrificium, nisi male perire velit. Et martyr quidem signum si- bi Crucis imprimens, in Christi nomine in templum intravit: sed cùm preces fudis- set ad Dominum, dæmonemque in simulacro commorantem indè abscedere iussis- set, tonitru cum fulgere repente extitit, lapsusque è cælo ignis, idolum Diana in fauillam rededit, sacerdotes templi exulsi, & templum corruens, multos è populo opprescit.

Tunc Imperator timore correptus, tradidit eam cuidam Iustino prefecto, vt impelleret eam ad sacrificandum. Qui mox extendi eam mādauit in conto, & iterum membra eius spathis incidi. Dixerat enim illi sancta virgo: Afflige me quantum vis: non me adducere poteris, vt dijs tuis immolem. Circa mamillas etiam vngulis eam attrectari voluit crudelis iudex, donè centum & octodecim ab vincis vulnera accepisset. Sub his vngularum cruciamentis nihil omnino loquebatur, sed oculis in cælum defixis, Deum mente precabatur. Acceptis autem tot vulneribus cùm iam eam expirasse iudex putaret, carnicies ab inferendis vltérius plagi cessare iussit. Sed vbi eam adhuc viuere cōperit, ait illi: Víse Martina sacrificare, & lucrari ea quæ etiam nūm supersunt tormenta? aut certè obstinato animo decreuisti manere cum Christo tuo? Respondit illa: Ego Christum habeo confortantem me, nec sacrificio abominandis dijs tuis. Prefectus ijs auditis, præ ira infaniens, præcepit carniciebus, vt eam de conto deponerent, & tanquam præ nimijs doloribus pedibus confistere nō valentem, in grabatum impositam, ad carcere deportarēt. Illa verò stringens corpus suum, & impellens carnicies, properauit ad carcere, psallens in eo & glorificans Deū, immenso vallata lumine. Prefectus aut ad Imperatorem abiens iam cœnante, narrauit ei rem gestā, & quam in sua sentētia constans & immobilis Martina perstaret, nec vllis poenis ab ea se deduci pateretur. Imperator ijs cognitis, bestijs eam mādauit obijci deuorandā. Dicitur igitur in amphitheatrū iussu prefeceti lustini, & p̄sente Imperatore ad bestias damnatur. Ibi tum leo immanissimus dimittitur, vt martyre deuoret. Et ille quidē irrugiens accurrit ad illam: at non modò nihil illi molestia intulit, sed etiam posita omni

Cōuertua-
tur ad Chri-
stum eius
tortores.

Signo Cru-
cis se munis-
unt.

Noua S.
Martinæ
supplicia.

Signu Cru-
cis libi im-
primit.

Damnatū
ad feras.

omni feritate, ad eius se pedes abiecit. Itaque sancta virgo prorumpit in laudes Dei, & cum ardenter orat, ne se sinat ab ipso separari. Porro leo cum in caueam reduceretur, imperio facto in Eumenium Imperatoris cogitatum, cum interfecit. Furore itaq; percutitus Alexander, eam iubet in carcere recipi: quem illa repetit, laudans Deum, & festum illic agens diem.

Post biduum Imperatore sacrificandi causa templum adeunte, iterum illo iubente è carcere producitur, & in delubro idolis sacrificium facere compellitur. Atilla constanter dixit: Fac quod tibi visum est, me enim non poteris auellere ab eo, quem mecum habeo, Domino Iesu Christo. Rursus ergo suspenditur, & vngulis atrocissime laceratur, ita ut ad ossa usq; caro scinderetur, & ad ipsas etiam ossium medullas ferrum penetraret. Tum vero clamabat praeco: Confiteare Martina Dianam deam, & salua eris. Respondit illa: Christiana sum: Christum Deum confiteor. Iam defecrunt, qui eam cruciabant, dissolutis eorum brachijs & manibus. Alexander vero eam in ignem coniici voluit, vt periret. Fit ergo ignis copiosus, & martyr in illum iactatur: sed ea orante, lapsus imber è celo, & cōcūtus turbo discussum flamnam, & incensi sunt qui illuc adstabant. Sed haec omnia non virtutis diuinæ, sed maleficiis artibus adscribens Imperator, stultissimaq; opinione imbutus, maleficia in eius capillis hærere existimans, mandat radi pilos capitis eius. Parent ministri, radut caput virginis. Imperator autem iam rafæ insultat, tāquam quæ omni sit virtute nudata. Sed cum neq; sic eam ad suam posset inflectere voluntatem, in templo Dianæ tribus diebus & noctibus eam includent, ubi illa more suo hymnis & laudibus Dei insistebat: precibusq; suis obtinuit à Deo, vt Dianæ simulacrum in puluerem redigeretur. Tandem educta ē fano, gladioq; percussa, leæ migravit ad Dominum, atq; huiusmodi fine, vt ait Ado Treuirense episcopus, martyr venerabilis celi regnum meruit, præstante Domino nostro Iesu Christo, qui cum patre & spiritu sancto viuit & regnat per infinita secula seculorum. Amen.

DE S. CONCORDIO MARTYRE, EX ANTI^QVIS MANVSCRIPTIS EXEMPLARIBVS, QVIBVS FE RE AD VERBVM ADO IN SUO MARTYROLOGIO CONCORDAT: AT NONNIBIL HIC MUTA TUS EST STYLUS PER F. LAUREN. SURIUM.

IANVARII.

Intellige
natum esse
Concordiū,
antequam
pater eius
esset presby
ter.

Jejunij &
orationib;
sancti insi
stunt.



Emporibus Antonini Imperatoris grauissima persecutio
orta est in vrbe Roma, ita ut nec emēdi, nec vendendi cui
quam facultas facilè daretur, nisi qui dij immolasset. Erat
per id tempus Romæ vir quidam Concordius nomine, no
bili familia ortus, cuius pater Gordian⁹ dicebatur, sanctissima
conuersatione presbyter de titulo pastoris. Hic itaq;
habens filium Concordium, erudiuit eum omni sancta
scripturæ doctrina, effecitq; vt à sancto Romanæ vrbis epi
scopo Pio subdiaconus ordinaretur. Porro vterq; ad nihil
vacabat aliud, nisi ut ieunij & orationibus die noctuq;
& eleemosynis pauperi insisterent: petebantq; à Domini
no, vt rabiem Imperatoris possent effugere. Interim vero beatus Cōcordius dixit pa
tri suo: Domine mi, si vis, permitte me ire ad sanctum Eutychen, & habitare cum eo
paucis diebus, donec cesseret rabies inimici Antonini Imperatoris. Dicit ei pater suus:
Fili, hic potius cōmoremur, vt possimus coronari. Ait illi beatus Cōcordius: Vadam,
si uides: quia ibi coronam accipiam, vbi me Christus iussit coronari. Dimissus igitur
à patre suo, abiit ad sanctum Eutychen amicū suum, qui tum morabatur in p̄ediolo
suo via Salaria iuxta ciuitatē Tribulim: quem beatus Eutyches cū magno gaudio fu
scipiens, cœpit Deo gratias agere: habitaueruntq; simul in eodē loco, orationibus &
ieiunijs insistentes. Venerunt aut̄ ad illos multis & varijs languoribus vexati, quos illi
orantes, in nomine Iesu Christi sanabāt. Interim fama rerū ab ijs gestarū perlata est ad
Torquatū Tusci Comitē, qui id tēporis habitabat in ciuitate Spoletana. Misit igitur,
& accersiuit sanctum Concordiū, aitq; illi: Quis vocaris? At ille respondit: Christianus
sum. Dicit ei comes: De nomine tuo perquirō, nō de Christo tuo. Sanctus Concordius
respondit: